



22221

kat.komp.

III

Mag. St. Dr. P

*Thilonis Valentini; Panegyricus aeternae honori
serviss. ac Invictiss. Vladislai IV. publice
dictus.*

PANEG. et VITAE

Polon. Fol.

№ 1539.

Biblioteka Jagiellońska



stdr0004641



PANEGYRICVS
ÆTERNO HONORI,
SERENISSIMI AC INVICTISSIMI
VLADISLAI IV.
POLONIÆ SVECIÆQUE
REGIS AVGVSTI, &c. &c.

Cum
SVORVM LIBERATOR FELIX,
HOSTIVM VICTOR FORGIS,
PACE ÆTERNA
CONSTITVTA,

SUB AUSPICIVM ANNI

M. DC. XXXV.

PRUSSIÆ FINES AUSPICATO
INGRESSUS ESSET;

NOMINE ACADEMIAE RE-
GIOMONTANÆ

Publicè dictus,

à

M. Valentino Thilone Eloq. P. P.



REGIOMONTI

Typis LAURENTII SEGEBADII,
M. DC. XXXV.

Vu 17

PANEGYRICVS
ETERNO HONORI.

V. A. D. I. S. I. A. I. V.
POLONIE SVBICIEQVE
REGIS AVGVSTI. &c. &c.

OSTROROMANVS
HISTORICVS
P. ACE. A. E. R. N. A.
CONSTANTINVS.

SUB AUSPICIIIS ANNI

M. DC. LXXV.

PROSSIE FINES ASPICATO
INGRESSUS ESSET.

NOMINE ACADEMIAE
GIOMONTANAE
Publice dictus.



M. Valentinus Thilone Florentinus



Typis TABERNITII SEGERBADI
M. DC. LXXV.

SERENISSIMI AC INVICTISSIMI VLADISLAI IV. POLO-
 NIAE SVECIAE QUE REGIS AUGUSTI &c. &c. DOMINI
 NOSTRI CLEMENTISSIMI, MAGNIFICE AC GENE-
 ROSE DOMINE LEGATE: MAGNIFICI, NOBILISSI-
 MI, AC STRENUI DNN. REGENS, CONSILIARII, AC
 PROCERES PRUSSIAE INCLYTI: MAGNIFICE Dn. RE-
 CTOR; SPECTABILIS Dn. DECANE; ADMODUM RE-
 VERENDI, CONSULTISSIMI, EXCELLENTISSIMI DNN.
 PROFESSORES: REVERENDI, CLARISSIMI, AMPLIS-
 SIMI, PRÆSTANTES DNN. HOSPITES OMNIUM ORDI-
 NUM HONORATISSIMI: NOBILISSIMI DNN. STU-
 DIOSI:



Vod precata à Deo O-
 ptimo Maximo, cum univer-
 sa Provincia, Academia hæc
 nostra est, eotempore, cum
 SERENISSIMO ac Præpo-
 tentissimo PRINCIPI VLA-
 DISLAO IV, POLONIAE REGI AVGV-
 STO, MAGNO DVCILITHVANIAE, RVSSIAE,
 PRUSSIAE, MASOVIAE, SAMOGITIAE,
 LIVONIAE: Nec non SVECORVM, GO-
 THORVM ac VANDALORVM HÆREDI-
 TARIO REGI &c. &c. DOMINO SVO ac
 TVTELARI OPTIMO MAXIMO, Divina
 Gratia, Regia Virtus, Procerum suffragia, mo-
 derandarum rerum summā tradidissent, ut, si
 contra obstinatum Barbarorum perfidiam di-
 micandum esset, sempiterno eos excidio de-
 leret; Sin scelerum conscientia victi, rece-
 ptui canerent, Regia gratia ac Pacis nobilissi-
 mo bono servarentur, ut, quod bellum invi-

Ha virtus suscepisset, id in suorum assertio-
nem potius, quàm in hostium internecionem
desineret: ejus devotionis se esse convictam
beneficio DEI immortalis, Auspiciis FELI-
CISSIMI REGIS, Fide Fortissimorum Mi-
litum, confessione inimicorum, hodierno die
DEO Gratias agit, sibi gaudet, ac, quantum
potest, GLORIOSISSIMO VICTORI gra-
tulabunda acclamat:

SALVE. VLADISLAE. AUGUSTE.
VICTOR. INVICTE. OPPRESSOR.
INIQUITATIS. ASSERTOR. PACIS.
JUSTE. FORTIS. CLEMENS.

Nec metuit, ut liceat te gratis salutare, cum
munera salutandis Regibus exigat mos &
constitutio antiquissimorum. Persarum ea
lex erat, quæ quidem una ex omnibus obser-
vantissimè colebatur, & hodiernum plerisq;
inviolabilis est: Verum linquens hæc amplio-
ri fortunæ, quod unum potest, quemque so-
lum divinissimarum virtutum æstimatorem
novit, æternam animi defert venerationem,
atque memoriam. Hanc mentium Augustis-
simo Nomini Tuo consecrat ædem, in quâ tro-
phæum ponet

*are perennius,
Regaliq; situ pyramidum altius,
Quod nec imber edax, aut Aquilo impotens
Possit diruere, aut innumerabilis
Annorum series, Et fuga temporum.*

Fulgebit ea intemerato æternæ fidei auro, ac
amoris non corrumpendi purpurâ. Quic-
quid argenti, quicquid nobilissimorum lapi-
dum renidet usquam, præstabit in hac purissi-

mus devotionis candor, ac intermina servitio-
rum constantia. Statuetur post in hac, ex-
pressa Magni VLADISLAI imago, cujus
& sacratissimum caput, & fortissimam dex-
tram, & sapientiæ quoddam virtutumque sa-
crarium, pectus æternus nostræ devotionis
prosequetur cultus. Personabunt eandem æ-
terna tuarum victoriarum præconia, ac, quan-
docunque licebit, Musarum nostrarum mate-
ria erit, Divina VICTORIS VLADISLAI
Virtus. Et ne dubites, Regum Maxime, ipsas
Musas, si corporum sensus admitterent, jam
è Parnassi monte, Regium hunc ingressas, sa-
cratissimum hoc sapientiæ domicilium tuis
laudibus, implere: Nunc cum id, me interpre-
te, agi necessum sit, ipsarum voces, prout po-
tero, æmulabor: ac, quod ipsæ dicturæ essent,
altâ voce referens, dico:

VIVAT REX, VIVAT REX VLADISLAUS, ET ILLA,
QUÆ FUERAT DIGNUS SUMERE, SCEPTRA GERAT.
UT PATRIS CUM LAUDE PARI MODERARIS HABENAS,
REX NOVE: SIC VITAM CUM PATRE VIVE PAREM.

Sed fallor? An pertasæ interpretis coram,
quæ nuncuparant, vota Sacratissimæ Majesta-
tis pulvinaribus, devotissimè inferre malunt
Musæ? Ita est: Adest cum universo Musarum
Choro Apollo Pater, & jejuna lingua mea
eloquium interpellat.

O factum benè mea Musæ! Cum æternita-
te certabit posthac memoria nostri Regis, dum
vestris artibus coli cœpit: Et nos quidem in
præcipua parte felicitatis meritò deputamus,
ei Regi parere, cujus æternaturæ virtutes, æ-

ternæ admirationis cultum merentur : quem
que non sola nascendi sors, sed divinior qua-
dam mentis sublimitas, in divinâ inter mor-
tales dignitate constituit. Ignosce, Regum
Gloria, si virtutum tuarum cœlestis impetus,
in liberius laudum suarum præconium, abri-
piat meum stylum. Invitam equidem audi-
re suas laudes, Virtutem omnem scio : sed &
iniquum esse, quisquis Magnas Virtutes de-
bito cultu fraudat, scio. Moderabor tamen
affectui, ac, si potero, vel una saltem linea, am-
plissimum virtutum tuarum comprehendam
decus. Sic pectus formavit suum V L A-
DISLAUS AUGUSTUS, ut virtutum di-
vinissimarum senaculum ; Sic vitam insti-
tuit omnem, ut perpetuum Virtutum exerci-
tium videatur. Orbem testem hujus dicti vo-
co. Quotusquisque enim ejus locus est, cu-
jus splendori, ex clarissima virtutum harum
luce, non plurimum dignitatis accesserit ?
Parum videbatur bellicarum artium matri ac-
que officinæ BELGIO, inque eo Felicissimæ
Virtutis Principi SPINOLÆ, insignia dare
Martix indolis documenta : Roma ipsa ade-
unda erat, Regiarumque dotum gloriâ illu-
stranda, quæ quondam tot fortissimorum vi-
ctorijs illustrata, omnibus ad virtutem se-
ctandam lux erat. Scilicet lustrandus erat à te
locus Augustissimus, qui brevi Augustissimis
tuis Victorijs ornandus erat. Oculis usurpare
placebat infinitarum virtutum fertilissimum
locum, quem innumeris scriptorum laudibus
ornatum, virtutis sectandæ impulsorem ha-
bebas,

bebas. Sed, quæ pro tuorum salute fortiter
gesseris olim, adhuc Moscovia ad Borysthe-
nem fusa loquitur. Æterno Tuo Honori Tur-
carum, Tartarorumque legentur clades, cum
caput Osmanicum perfidiæ suæ pœnas; Vir-
tutis Tuæ sensisse potentiam fatebuntur. In
aliis pari successu, pari studio Clara Virtus
enituit, nec unquam pertinax illa curatibi
defuit, ut non summus inter homines esses,
nisi optimus. Overè Regium atque Excel-
sum animum! Vos compello, quoscunque
Æternus Mundi Arbiter hominum regendo-
rum clavo admovit, an exactior ad Regium
culmen via ducat, decernite?

*Regem non faciunt opes;
Non vestis Tyria color;
Non frontis nota Regia;
Non auro nitida irabes:
Regnum mens bona possidet.*

Non CELSISSIMVS inter homines haben-
dus, qui celsissimo locatus solio, plurimo-
rum cultorum despicit obsequia: sed qui, su-
pra homines sublimato animo, ejus æmula-
tur celsitudinem, cujus vicem gerit, Celsissi-
mi è Cœlo DEI. SERENISSIMVM Eum di-
cimus, qui, velut syderum Princeps, nubibus
dissipatis, blandâ serenitate, quicquid infra
se est, reficit; ita subjectorum hominum res
immoto oculo videt, ac, propulsatis inju-
riarum nebulis, novâ lætitiâ serenat. REX
POTENTISSIMVS est, non qui latè impe-
rat, ac infinitos ferè Imperij fines modera-
tur; sed qui affectibus non succumbit, & ho-
rum

rum imperat dictamini. Ea laude insignē gerat animum, quisquis Regijs insignibus vult ornari. Atque hujus laudis possessio hæreditaria tibi, MAGNE REX, cum esset, volebas admittere, ut tuâ culpâ minueretur splendidissima hæreditas; Sed, si hæredem Patrij Solij constitueret te cœlestis favor, hæredem prius avitarum patriarumque virtutum cœlestis faceret animus. Neque enim DIVORVM ANTECESSORVM tangere solum volebas, nisi & laudum eorum culmen Cel-
fissimæ tuæ Virtutes contingerent. Hic jam tot seculorum virtus repetenda esset, & suâ laude decoranda; quemadmodum JAGEL-
LONICA Gloria inoffenso augmento creverit, & innumeris res Polonicas felicitatibus auxerit. Dicendus hic esset, AVGVSTISSIMVS JAGELLO VLADISLAVS, qui Magno Ducatu Lithvaniæ, Samogitiæ, Russiæq; nobilissima parte Poloniæ fines ampliavit; Lithvaniam verò ipsam veræ fidei nobilissimo dono beavit: Dicendus esset hujus Filius Æternæ Famæ, CASIMIRVS, qui subactâ Prussiam Poloniæ Regno addidit: Dicendus esset laudatissimus SIGISMVNDVS I. cujus spectatam pietatem, inviolatam iustitiam, & fortitudinem cum primis stupendam, cum omni virtutum felicissimo consortio, miratur omnis historia: Dicendus esset inclytus SIGISMVNDVS AVGVSTVS, in quo frugalitatem, prudentiam, ac scientiæ tam togatæ; quàm militaris sublimitatem, rarissimo exemplo, deprehendis. Dicenda illa omnia essent, nisi compendium

verborum facere, ac, quæ in istis singula, in DI-
V O A T R E Tuo iunctim omnia miranda oc-
currunt, videre iuberer. Cujus quidem SI-
GISMUNDI TERTII Magnum Nomen,
ut sine veneratione nunquam profertur: ita
Æterna ejus Memoria nobis erit atque Sacro-
sancta. Speculum erat quoddam clarissimum,
in quod universis Regibus inspicere proderat,
ut, quid usui sibi esset, discerent, Asylum erat
oppressa justitiæ, quam non defunctoriâ tue-
batur operâ, sed indefesso labore, ac curiosâ
solertiâ: Patrocinium Musarum, Præsidium in-
nocentiæ, Refugium bonorum omnium. Pa-
tientissimus adhæc laborum, Servantissimus
fidei, Fortis in Præliis, Pius in templis, Pru-
dens in consiliis, ubique Regum exemplum
absolutum. Neque jam quicquam immensis
eius laudibus accedere posse videbatur, nisi
quod parem sibi videret FILIVM PRINCIPEM.
Hinc intolerabilis quoque tam Sancti Capitis
jactura extitisset, nisi hoc divinitus beneficio
restituta videretur. Nam, quod in avito agro
optimi Imperatoris Vespasiani, cōtigisse Sue-
tonius auctor est, Cupressum altitudinis con-
spicuæ vi tempestatis evulsam, repentè proci-
disse, ac in sequenti die viridiorem atque fir-
miorem eodem vestigio surrexisse: idem, si
fas est dicere, nobis præstitit æterna indulgen-
tia. Erat tempus, quo, quæ conditio natorum
omnium est, finem rebus gloriose gestis impo-
neret Augustissimus Parens: Fractus curis, Se-
nio fessus, deficiebat divinus animus, hoc uno
Deitate inferior, quòd, uti cœpisset, ita desi-
neret

neret suum regere corpus. Mortis hinc violentiâ prostrat⁹ reviviscere, ac novo in Te, Regiarum Virtutum Hærede, flore vigere Cœpit, dum, quod continuis tot annorum vigilijs, sudoribus atque curis servârat, tibi regnum cessit. Atque hic, utrum latis prædicem, nescio, an felicissimam MAGNI REGIS virtutem tandem debito præmio honoratam; an summam fortissimæ gentis felicitatem, cui ejus regi imperio contigit, quem votis omnibus quævis gens sibi expeteret! Et isti quidem ubiq; suos servabatur honor: vestras verò fortunas atq; vitam, nobilissima natio, ejus tutelæ commissa, non nisi immortale beneficium videtur. Certè DEO pleni fuistis, quicunque animis vestris eum Regem denotastis, quem propria virtus diu huic celsitudini destinârat. Neque enim absque DEO REX designatur: hinc, Deo suggerente, id vos cogitasse, quis dubitet? Et ô felicem præconem, quisquis primus hoc auspiciatissimum oraculum turbæ expedit: REX EST VLADISLAVS AVGVSTVS! Hæc namque dum dixit, simul, quicquid Regiæ laudis dici potuit, expressit: Rex est, quem nasci, & à prima ætate nobiscum versari; quem eodem nobiscum hausto æere, eosdem haurire motus, atque animi impetus cœlestis voluit gratia: cujus supra communem humanitatis conditionem, summis virtutibus ditatum pectus: quem iisdem dubii Martis periculis sudare nobiscum, & sanguinis quoque ac vitæ, pro Salute Publica, incuriosum vidimus toties. Cinget posthac Sacræ Majestatis

insigne, DIADEMA, illud Caput, quod provide inter lituos & turbas, bono publico vigilavit, inq; medium consuluit. Auream Imperii VIRGAM ex tenebunt Manus, quas diuturna ferri tractandi consuetudo felicissime eidem præparavit. Iis Humeris PALVDAMENTVM Regium insternitur, quibus immensæ negotiorum moles sæpius incubuerunt, atque feliciter fuerunt sustentatæ. O felices vos, iterum dico, & vobiscum unâ nos ipsos eo Rege, ijs temporibus, concesso, quibus gravissimis motibus agitata Polonia, prudentissimo Rectore opus habebat! cum navis patriæ

*Nudum remigio latus,
Et malus celeri sancius Africo,
Antenna gement: ac sine funibus
Vix durare carina
Possent imperiosius
Æquor.*

Volebat scilicet | illustrius reddere tuum Regnum Cœli Numen, ipsâ exordij difficultate, ut non deliciarum atque voluptatis, sed laboris curarumque Regium nomen esse constaret. Asperioribus exercere voluit non insuetam labori virtutem, quo gratior postquæta esset atque tranquilla Majestatis possessio. Nam quod habet maximus Geographus de fonte Insulæ Saxosæ, Laodicensibus vicinæ, cujus aquæ primo hauustu salsedine marinâ, reliquo grato dulcore sint: id verè de primis Regni tui Auspiciis experti sumus. Erat illud futurum fons, qui largissimis honorum rivulis æternum scaturiret, ac variè dispersus, omnium regnorum oras tuæ gloriæ famâ allueret. Sed
pri-

primum amara bellicarum difficultatum sal-
fugo degustanda erat, cui consumptæ perpe-
tuus fluxus abundantissimæ Gloriæ succedit.
Nam si virtutis summa laus est, multis salutem
dare, & ad vitā ab ipsa morte revocare: nil jam
sublimius gloriosissimo Tuo Nomine erit, qui
in primis Regni Tui incunabulis salutem, ac à
barbara sævitie immunitatem nasci tuæ genti
vidisti. Odignam Divis Regibus Divam Pro-
geniem! Augustissimæ Memorix Regem Sue-
corum G U S T A V U M, Divum Tuum
Proavum Paternum, L I B E R A T O R E M
S V O R V M, Historiæ omnes prædicant; quòd
Regni sui principium, finis exstiterit cala-
mitatum, quibus Cives Regni premebat vi-
cinatyrannis. Adeste Illustrissimi Poloniæ
Proceres, tuque universe subditorum cœtus,
ac liberâ voce dicite, annon eadem, si non ma-
ior Magni V L A D I S L A I habenda gloria,
postquam simul cum Regno, castra ingressus,
nefandum barbarorum profligavit insultum.
Inundabat immensos tractus hostilis copia, ac
eversura jam videbatur, quicquid obviam oc-
curreret, cum adverso Regiæ virtutis objectu
sistebatur rapidissimus impetus, ac, ne vasta-
ret petitas terras, arcebatur, penitusque oppri-
mebatur. Eant jam fœdissimi fœderum vio-
latores, ac felicem perfidiam sperent! Vel num
adeò rerum omnium ignari sunt, & expertes,
ut fractæ fidei poenas non didicerint? Ita omni-
no videtur; neque enim, aliter si esset, tanti ex-
ercitus copias apparatusque bellicos, tam le-
vi fundamini superstruxissent. Glacies perfid-
dia

dia videtur, quam cum sui belli statuerent fundamentum, quid mirum, si, igneo Divinæ Virtutis impetu accedente, solutum hoc; illi collapsi sint. Nolo hic compilatis historiæ exemplis divitem reddere meam orationem: illud unum dico, latissimum firmandi Regii Solii omen fuisse, cum primas suæ potentiae vires in vindicanda perfidia, & iustitia asserenda experiretur Novus Rex. Nam quod fundamentum, Oratore teste, perpetuæ commendationis est & famæ: id fundamentum tui Regni auspiciatissimi fuit; **IUSTITIA**. Hujus violationem impunitam si ferres, ne Regis nomen ferendum putabas. Et meritò: **DEI** enim imago Rex est, non tamen nisi justus: Justitiā namque & Pietate **DEOS** fieri Principes, jam olim Augustus pronunciavit. Et remotā justitiā magna latrocinia esse regna nōras; hinc nolebas Regno præesse, in quo impune quidvis admitteret perfidia, audaciamque peccandi licentia pareret. Malebas nascentis regni tui infantiam ostendere, quid de adultiore ejus ætate sperandum esset bonis. Quare eadem cum Comneno usus voce, Aut injurias, hostibus optebas, aut vitam relinquite: nam vos injustè agere & vivere, nec **DEO** gratum, nec mihi eiusdem ministro ferendum est. Regia sanè vox, quæque omnis prosperitatis latissimum præsagium fuit. Nam quemadmodum bonum annum non tam ex magnis fructibus, quam è iustè regnantibus existimandum aiunt: ita fortunatissimum Imperium non è vastis & opulentis provinciis, sed præsidum æquitate cen-

sendum puto. Terræ suæ nutritiæ id beneficii
collatum à Jove, ut, quicquid noxiarum fera-
rum alibi degat, exulare hinc cogatur, cum nec
genitrix; nec alitrix earum sit, literis accepim⁹:
Dubia fidei res est. Tu citra dubium tuæ terræ,
quam natalem Tibi voluit provida Dei mens,
optimè prospecturus, pestilentissimum inju-
sticiæ virus longè inde pepulisti, ne, quod flo-
rentissimis regnis vastitatem induxisset atque
desolationem, exorientis regni tui subverte-
ret decus. Et jam obtinebas felicissimo even-
tu JUSTI nomen, cum nativâ munitum pectus
Fortitudine hostium vires aggredieretur, Mo-
scoviticas primum, & hisce fusis, Turcicas. U-
traque enim gens incremento tui regni obiste-
re præsumerat, ut incrementū tuæ gloriæ pro-
moveret. Obsequentissimos habebas comites,
quorū quoque tuo regimini subjecerat Æterna Po-
testas: quorū qui corpore armisque sequi ne-
quibant, votis ac piis te prosequiebantur suspi-
riis. Neque verò fortius pugnat armata ferro
cohors, quam devota mens invictâ precum vi.
Quandoquidē enim Infinita hisce armis vin-
citur Potentia, quidni mortalium imbelles iis
frangerentur vires! Sequebatur tuum agmen
ipsa cælestis exercitus multitudo, adeoque Æ-
terni Regis auxilium. Cœlo quippe infestum
erat perjurii scelus, adeoque suis copiis impu-
gnare id ipsum videbatur. Quasquidem si o-
culi vestri non usurparunt, felix belli even-
tus patefecit. Nam id, credo, facile dabitur, si
humanis viribus res peragenda fuisset, despe-
rata fuisse omnia, Tantas copias, tam late pro-
gres-

gressas, tanto furore æstuentes, à paucis profligatas, quid est, nisi DEI opus? Felices milites, qui DEI auspiciis atque Ductu res suas gerunt! Quid verò illud, quòd cœlum ipsum tuæ victoriæ, delendisque hostibus serviebat; eo æere constituto, qui tuorum fortitudinem, hostium ruinam augebat.

O nimium (quod de Theodosio Claudianus prædicat)

dilecte Deo, cui fundit ab astris

Æolus armatas hyemes, cui militat æther,

Et conjurati veniunt ad classica venti!

Sed & tua virtus quantum profuerit, inde patet, quòd, cum afflicti sederent atque mœsti, undique cincti cives Celeberrimæ Urbis, rerum omnium difficultate obsidionem augente, tuo velut salutaris alicujus Numinis adventu, tam subito omnia mutata sint, ut prius levamen calamitatum, quam præsentiam tuam sentirent. Nec credo, majore celeritate suas res confecisse, Romanæ Monarchiæ Auspicem, Julium, quàm tu & hostes oppressisti, & cum vitâ libertatem reddidisti tuis. Et arma & animus addebantur fidissimis militibus, postquâ Invictam Regis Virtutem secum pugnare prehenderant. Novum quendam cœlo Julium dimissum crederes, qui cœlesti virtutum ardore militum pectus inflammaret. Nam hunc imminente aliquando periculo præsentissimo, in prælium ruisse, corpusque fortiter fortunæ objecisse, compertum est. Cumq; scuto ab novissimis uni militi detracto (quod ipse cō sine scuto venerat) in primam aciem processisset, centurionibus nominatim appellatis,

latis, reliquos cohortatus, prælium instruxit.
Dictu mirum, quid valuerit Heroica hæc Cafar-
ris virtus: nam & hostium impetum milites
singuli, pro se in conspectu Imperatoris inex-
tremis suam operam navare cupientes, tar-
adverunt; & præterea tantò audaciùs resistere,
fortiusque pugnare cœperunt, ut &, qui vul-
neribus jam confecti procubuissent, scutis
innixi prælium redintegrârunt, inermesque
armatis occurrentes ad additionem hostes post
cruentam adegerint pugnam. Eodem succes-
su à te, **R E G V M M A X I M E**, pugnatum est.
Nam, quæ siderum nobilissimi Solis efficacia
est, ut alia quidem induret, atque fortissimâ re-
sistendi vi induat; alia liquefaciendo emolli-
at, atque dissolvat: Eadem, **S E R E N I S S I M E**
R E X, tua virtus efficiebat, tuis enim robur ad-
debat, atque opprimendorum hostium auda-
ciam, dum inimica pectora, tanquam è Riphæ-
orum montium glacie conflata essent, omni re-
sistendi facultate amissâ, liquecebant, & aquæ
more corporibus ipsis effluebant Vidisses hinc
ad pedes Fortissimi Herois convolutos, interi-
tum deprecari, qui paulò ante innumerarum
urbium interitum altâ mente conceptum, su-
perbo ore evomebant: Cui resistere fortissimæ
dextræ non valebant, devotâ eam adoratione
cernuos colere vidisses. Imò, quod verè Divi-
næ Virtutis est, in ea quoque agebat, quæ sum-
mis locorum intervallis dilata erât. Turcarum
namque numerosissimus exercitus quanto fu-
rore sæviera antea, tanto terrore percussus fe-
licissimæ hujus Victoriæ famâ de ponendis ar-
mis

mis jam cogitabat. Angebatur is metus
Gloriosissimi Victoris præsentia, quam ubi
acceperant, adeò ei ferendæ non erant, ut si-
mul cum armis animum abijcientes, admissis
veniam, sibi pacem peterent. Insperatum
nuncium! quos & sævissima crudelitas, & mi-
litum copia, & rerum omnium mediocris sta-
tus ad nefarium bellum animarat; eos unius
VLADISLAI VICTORIS præsentia exani-
mat. Ita minui Lunæ lucem, postquam nocte
pulsâ Solis splendor omnia illustrat, novimus.
Ita non potuit ferre cœlestem Divinæ virtutis
impetum, mulierosa indoles atque effœmina-
ta; quomodo Jovis sui insolitam Virtutem non
tulisse Semele dicitur. Ita, quod justè decre-
veras, fortiter executus, à tuis propulsaſti in-
jurias ac destinatas mortes. Quàm chara tuo-
rum tibi vita sit, vitâ tuâ periculis objectâ te-
status es, quasi salvus esse absque eorum
salute non posses. Tuorum protector factus,
plenus bonâ spe bellum subiisti, non alio, nisi
cœlesti auxilio, & infractâ animi virtute te-
ctus. Decorum operâ fabricatos clypeos, muni-
endis Heroum pectoribus addebat prisca su-
perstitio: Divinior tuus clypeus, qui intrep-
dâ virtute cœlitus concessâ constabat. Hâc
unâ reliquorum securus eras: nec te à laudabi-
li proposito Regni primùm suscepti eminentia
dimovebat; non tuorum preces atque vota,
quibus, ut domi novo Rege frui liceret, in-
stabant; non molestissimæ viarum difficultates;
sed, quæ semel placuerat, stabat sententia;
primitias Regiæ fortitudinis subditis sacras es-

se debere. Neque capitibus numerandum;
sed animis æstimandum exercitum: sæpè solâ
opinione fortitudinem hostes terruisse. Et
quod firmitus munimentum esse potest, quàm
illud, quod natura dedit, non aliunde sumptum
est, virtutis robur, atque imperterrita animi
constantia: Nec proinde felicius contra hostes
pugnant fortunæ, quam proprijs armis instru-
cti. Neque enim fortuita fortius armantur
quam quæ sunt naturæ: adversus quæ armatos
sæpè inermes fuisse vidimus. Verùm non hic
fortitudinem dixerim, sanguinariam illam
atque cruentam, quæ insatiatâ nocendi libi-
dine, nunquam defuncta suo munere videtur;
nisi cædibus & sanguine sædata omnia adspe-
xerit. Apage degenerem atque spuriam no-
bilissimæ virtutis prolem, quæ crudelitas &
bestialis quædam sævities est, non fortitudo.
Is fortis est, quicumque oppressorum liberati-
oni, opprimentium emendationi, vires suas
impendit: Quicumq;, Magno Seneca dicente,
alieno sanguini, tanquam suo pareit, & scit
homini non esse homine prodigè utendum.
Quod ipsum cum tam examissim servaris,
quem nisi **FORTISSIMUM** dicemus? volebas
fortior in hoste, quam tuo animo subigendo
videri. Hinc cum perdere posses universos,
singulos servasti. Non sanguinis, non auri,
non vani honoris sitiens, sed salutis omnium
cupidissimus esse voluisti. Ideò clementiam
Victoris implorantes victos, **CLEMENTIS-
SIMVS** suscepisti. Ac quemadmodum, quod
DEI probat infinitum imperium,

Admota atberijs culmina sedibus

Duros excipiunt Notos,

Insani Borea minas,

Imbriferumq; Corum,

Humida vallis raros paritur

Fulminis ictus: tremuit celo

Jovis altisona Caucasus ingens,

Phrygiumq; nemus matris Cybeles.

Mœuens celo Jupiter alto

Vicina petit: non capit unquam

Magnos motus, humilis recti

Plebeja domus:

Ita te quoque eadem facilitate & subjectis parere; & superbos debellare posse docuisti, quando, quos fortiter viceras, clementer servas. Non placet Laurea victorum sanguine infamis, sed salute florida. Itaque unâ victoriâ subditis pacem, hostibus veniam, nobis omnibus lætitiâ concessisti CLEMENS. Et quo fine Turcicæ obstiteris potentia, latissimus docuit exitus: Nimirum, quod sapientum est, pacis causa bellum gessisti, & laborem spe otij sustentasti. SALVSTVORVM PVBLICA, una voce dicam, arma quò sumeres, effecit. Non injurias, non damna æstimabas, simul ac eorum omnium felicissimū remedium, pacem, offerri Tibi ab hoste cognoveras. Quin conditionibus honestissimis propositis, pacem oblatam aeterno fœdere firmabas, cum immortalis Gloriosissimi Nominis Tui honore.

Atque hoc tu tam excellenti bono lætatur Academia, dum te suum Regem Augustissimorum Imperatorum laudes exæquasse cognoscit. In te quippe JULIVM Casarem; in te AVGVSTVM, in te ANTONINVM PIVM, in te

plu-

plurimos laudatissimos Imperatores redivivos
cernit, quorum omnis laudis summa erant CI-
VES SERVATI. Est ea tua quoque laus, VLA-
DISLAE AVGVSTE, quam dum se cum asti-
mat tua hæc Academia, manus porrigit, ac Co-
ronam Civicam, Imperatoribus solennem in
Æternitatis æde

VLADISLAO AUGUSTO.
LIBERATORI SUORUM.
FUNDATORI PACIS ÆTERNÆ.
OB CIVES SERVATOS.

suspendit: simulque, ut sempiternâ hâc gloriâ
triumphes, precatur. Neque enim ulla glorio-
sior victoria obtinetur, quàm quæ Pacis atque
tranquillitatis mater est. Una hæc innumeris
tirumphis potior, quæ tanti sæpè fuit, ut & in-
victissimos Imperatores huic obtinendæ, im-
perij fasces submittere acceperimus. Atque id
meritò quidem, cùm, quò plus hujus gratiâ de
potentia sua remiserint, eò cellius ad Divinam
Magnitudinem surrexerint. Divina namque
potentia est gregatim ac publicè servare: mul-
tos autem occidere, & indiscretos incendij ac
ruinæ potentia est. Quin divini honoris par-
tem capiunt, qui eodem cum DEO titulo gau-
dere laborant: PACIFICI. Et hæc quidem eò
à nobis dicuntur liberius, quò gratius pacis
nomen atque beneficium videtur. Non equi-
dem tanti sumus, ut summæ post DEVM pote-
stati, agendi leges dare audeamus: sed nescio,
quo grato quodam fascino fiat, ut tam pertina-
ci pacis amore teneamur. Credo idem quod
iis, qui dulcissimo Loti fructu semel gustato,

le m-

semper eodem delectantur; nobis quoque e-
venire: qui Pacis nomen semper suspiramus,
postquam ejus bono tot annis, sub DIVORVM
ANTECESSORVM TVORVM FELICISSIMO
Imperio, nostris, tui verò AVSPICATISSIMO
REGNI Exordio etiam barbaris terris frui con-
cessum est. Certè quamprimum tuam, REX
PACIFICE atque CLEMENS præsentiam op-
pressa patria sensit, resecta iam aliquantulum;
optimæ spei sibi signum erectum statuit. Neq;
enim fore confidit, ut, qui bellorum tuorum a-
liis gentibus fructus fuit, sibi uni denegaretur
PAX TRANQVILLA. Quam quanta de-
votione a TE PATRE SVO peteret, univer-
sa uno ore, si loqui posset, ipsa exponeret; nunc
meis verbis ita testatur.

Ad pedes tuos, VLADISLAE REX
AVGVSTE, prostrata, succurre oppres-
sæ, peto. Respice natam, atque DI-
VORVM ANTECESSORVM Tuorum,
heu quondam! delicias; nunc diris
foedatam modis, crudelissime sauci-
am, cunctis periculis expositam, quæ-
que vix animam trahat, respice, peto,
PATER CLEMENTISSIME. Sub Istos-
rum Auspiciis nata, Eorum Indulgen-
tissimo Affectu provecta, atque Po-
tentissimo Patrocinio tuta fui: Tu
fortis atque fatorum iniquitate mise-

re perditam ne desere. **DIVI Tui PARENTIS** cura eram, Tu **Hæres Regni Patrii** optatissime Patriarum in me quoque curarum **Hæres** esse digneris. Vides, quam minimum, &, nisi à Tuâ Dextra opem impetrem, nihil pristinae dignitatis supersit. Tu qui coelo donatus afflictorum rebus instaurandis, Res meas ne despice. Redde templis suum cultum, legibus vigorem, domibus quietem, agris honorem, viis securitatem; reddes autem ea omnia, si, quod una voce exprimo, dederis **PACEM**. **OPACEM** dones, quò non ij modo quibus natura sensum dedit, sed etiam tecta atque agri novo gaudio respirent. Ita **DEVS** Te **REGEM** terris diu commodet, ac faciat, ut, quamdiu mortalis eris, nihil ex Augustissima Tua Domo posthac mortale esse sentias. Ita **RECTOREM** Poloniae Regno Te, **REGIVM FILIVM**, longa vita fervet, nec, nisi sera & nepotibus nostris nota, dies coelo reponat! Abstineas ab Hoc manus tuas, fortuna, nec, in eo potentiam (nisi in ista

parte, qua prodes) ostenderis. Patere
DEVS, ut, quicquid Priorum Regum
Augustissimorum Virtute Poloniæ 12
Regno accesserit, Hujus servetur atq;
augeatur. Placet Hic, quicquid ad-
versantium irarum obstat. Tandem
beneficiis hucusque concessis faveas,
ac muneribus tantis perpetuitatem
addas. In quo voto finio, ac confirmando
ei nil, nisi illud addo:

DIUTURNUM. FACIAT. DEUS. ACCEPTUM. DEO.
ET. A. DEO. CUSTODITUM. FIRMUM.
SANCTUM. IN. MULTA. SECLA.
IMPERIUM. TUUM.

VLADISLAE. AVGVSTE.

JUSTE. FORTIS. CLEMENS.



parte, qua prodes) ostenditis; Parte
 Deus, ut quicquid Priorum Regum
 Augustissimi morum Virtute Polonio
 Regno accesserit, Huius servetur atq;
 augeatur. Placet Hic, quicquid ad
 veritatem itatum obstat. Tandem
 beneficiis huiusmodi concessis favcas,
 ac muneribus tantis perpetuam
 addas. In quo vero finis, ac confirmando
 etiam, nihil addo:

DISTINXIT FACIAT. DEUS. ACCIPTUM. DEO.
 ET A. DEO. CHRISTODITUM. TIRMUM.
 SANCTUM IN. M. L. A. SECUE.
 IMPERIUM. TUM.

VIADISLAE AVGVSTE.

IUSTE. FORIS. CLEMENS.





